

সারাদেশ

বিজয়নগরে ৯৫৮ বোতল ভারতীয় ইক্ষফ আটক

প্রতিবেদক: ব্রাহ্মণবাড়িয়া প্রতিনিধি:

প্রকাশের তারিখ: রোববার, ৩০ আগস্ট ২০২৬, ০৫:২৩ PM



সংগৃহীত ছবি

ব্রাহ্মণবাড়িয়ার বিজয়নগরে অভিযান চালিয়ে ৯৫৮ বোতল ভারতীয় ইক্ষফ আটক করেছে সরাইল ব্যাটালিয়ন (২৫ বিজিবি)।

রোববার (১৬ আগস্ট) বিকেল সাড়ে ৪টার দিকে সরাইল ব্যাটালিয়ন (২৫ বিজিবি)-এর সিংগারবিল বিওপির বিশেষ টহলদল গোপন সংবাদের ভিত্তিতে বিজয়নগর উপজেলার নোয়াবাদী এলাকায় অভিযান চালায়।

বিজিবি জানায়, সীমান্ত পিলার ২০১৬/এমপি থেকে আনুমানিক ৩০০ গজ বাংলাদেশের অভ্যন্তরে নোয়াবাদী এলাকায় টহলদলটি ফাঁদ পেতে অবস্থান করছিল। এ সময় ৮ থেকে ৯ জন ব্যক্তিকে মাথায় বস্তা নিয়ে ভারত থেকে বাংলাদেশের দিকে আসতে দেখা যায়। বিজিবির টহলদল তাদের ধাওয়া করলে তারা মাথায় থাকা বস্তাগুলো ফেলে দৌড়ে পালিয়ে যায়।

পরে বিজিবির সদস্যরা ঘটনাস্থল থেকে আটটি চটের বস্তা উদ্ধার করেন। বস্তাগুলোর ভেতরে কার্টনের মধ্যে কসটেপ দিয়ে অভিনব কায়দায় লুকিয়ে রাখা ৯৫৮ বোতল ইক্ষুফ পাওয়া যায়।


বিজিবি জানিয়েছে, আটক করা মালিকবিহীন ইক্ষুফের বিষয়ে ব্রাহ্মণবাড়িয়া মাদকদ্রব্য নিয়ন্ত্রণ অধিদপ্তরকে অবহিত করা হয়েছে। পরবর্তীতে ধ্বংসের জন্য এগুলো ব্যাটালিয়ন সদরে জমা দেওয়ার কার্যক্রম প্রক্রিয়াধীন রয়েছে।

সরাইল ব্যাটালিয়ন (২৫ বিজিবি)-এর দায়িত্বপূর্ণ ব্রাহ্মণবাড়িয়ার বিজয়নগর ও আখাউড়া এবং হবিগঞ্জের মাধবপুর উপজেলা সীমান্তে নিরাপত্তা রক্ষা ও চোরাচালান প্রতিরোধে বিজিবির অভিযান ও গোয়েন্দা তৎপরতা অব্যাহত রয়েছে। এরই ধারাবাহিকতায় সীমান্তবর্তী এলাকায় অভিযান চালিয়ে এসব মাদকদ্রব্য আটক করা হয়েছে বলে জানিয়েছে বিজিবি।

এ বিভাগের আরও খবর



সমঝোতার পর বিকল্প ভেন্যুতে ব্রাহ্মণবাড়িয়া সরকারি কলেজের নবীনবরণ কনসার্ট আয়োজিত
ক্রেডিট ছাড়া প্রকৃত পরিষদের সঙ্গে সমঝোতার পর বিকল্প ভেন্যুতে আয়োজিত হয়েছে ব্রাহ্মণবাড়িয়া সরকারি কলেজের নবীনবরণ কনসার্ট। আজ (সোমবার, ১৪ সেপ্টেম্বর...)



নীলফামারীতে অধিযাচনকৃত ট্রাকে পরিত্যক্ত কারাগারের সরকারি মালামাল পাচারের চেষ্টা
নীলফামারী শহরের পরিত্যক্ত পুরাতন কারাগারের ইট, গোহা ও কাঠসহ মূল্যবান সরকারি সম্পদ চুরির অভিযোগ নিয়ে চাঞ্চল্য সৃষ্টি হয়েছে। সরকারী কোনোগ্রাকার...



সাতক্ষীরায় পুকুরে ডুবে ২ শিশুর মর্মান্তিক মৃত্যু
সাতক্ষীরায় পুকুরে গোসল করতে গিয়ে পানিতে ডুবে দুই শিশুর মৃত্যু হয়েছে। সোমবার (১৪ সেপ্টেম্বর) দুপুরে সাতক্ষীরা পৌর শহরের বাটকেখালি এলাকায় গফুর...



ফোন না ধরায় টিকিট কাউন্টারে গিয়ে মারধরের অভিযোগ যুবদল নেতার বিরুদ্ধে
ব্রাহ্মণবাড়িয়া রেলওয়ে স্টেশনে তিতাস কমিউটার ট্রেনের টিকিট কাউন্টারে চুকে কর্মীদের মারধরের অভিযোগ উঠেছে এক যুবদল নেতার বিরুদ্ধে। মঙ্গলবার বেলা...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/bijngre-958-botl-bhartiy-iskf-atk>